

32 disiu mære sagt im gar sîn wirt:  
 »ein ritter nimmer daz verbirt,  
 ern kom durch tjustieren vür.  
 ob der sîn dienst dort verlür  
 5 an ir, diu in sante her?  
 waz hülfe in denne sîn vrechiu ger?  
 daz ist der stolze Hiuteger.  
 von dem mag ich wol sprechen mêr,  
 sît wir hie sîn besezen,  
 10 daz der helt vermezzen  
 ie smorgens vil bereite was  
 vor der porte gein dem palas.  
 ouch ist von dem küenen man  
 kleincotes vil gevuoret dan,  
 15 daz er durch unser schilte stach,  
 des man vür grôze koste jach,  
 sô ez die krîgierre brâchen drab.  
 er valt uns manegen rîter ab.  
 er læt sich gerne schouwen,  
 20 in lobent ouch unser vrouwen.  
 swen wîp lobent, der wirt erkant,  
 er hât den prîs ze sîner hant  
 unt sînes herzen wunne.«  
 dô hete diu müede sunne  
 25 ir liechten blic hin zir gelesen.  
 des bankens muose ein ende wesen.  
 der gast mit sîme wirte reit;  
 er vant sîn ezzen al bereit.  
 ich muoz iu von ir spîse sagen;  
 30 diu wart mit zûhten vür getragen,

er enkom hie d. tjuste vür. \*G (nur G)

in dâ s. \*T

in om. \*T

daz ie der \*G (ohne LZ) \*T

ie om. \*G (ohne Z) \*T · was om. O

gein der porte vor dem p. (Vor der porte gein dem palas reit O). \*G (nur G)

ou. wart von \*G (ohne Z) \*T

vür rîche k. \*T

swene ez die \*G (nur G) swaz ([S\*s]: So es V) die \*T

w. bekant, \*G (ohne L)

der hât \*G (nur G) \*T

nû h. \*G (ohne Z) (\*T)

hin om. \*T

ir b. \*T (nur T)

der v. \*T (Z)

\*D: D \*m: m \*G: G O L Z \*T: T U V

1 Majuskel T 24 Majuskel T 27 Initiale O T 29 Initiale m L Z U V · Majuskel T

1 sagt| sagete \*m 9 sîn| sin hie D 11 smorgens| morgens \*m 22 ze| in \*m 28 er| der \*m 29 ich| oh D